



ISLAMSKA ZAJEDNICA U BOSNI I HERCEGOVINI

Medžlis Islamske zajednice Bosanska Dubica

Izvršni odbor

Broj: 03-01/26

Datum: 06. 01. 2026. god.

17. Redžeb 1447. h.g.

PREDMET: SAŽETAK PRAVILNIKA O ČLANSTVU

1. Obaveza članarine na području Medžlisa organizira se u okviru jedinstvenog sistema centralizacije članarine u skladu sa posebnim aktima Medžlisa. (član 3.)
2. Svi muslimani koji su trajno nastanjeni na području Medžlisa obavezni su biti članovi Medžlisa u skladu sa odredbama ovog Pravilnika. (član 4. tačka 2.)
3. Obaveza iz stava (2) ovog člana odnosi se i na muslimane sa područja Medžlisa koji privremeno ili trajno žive u inostranstvu ili u drugom mjestu u Bosni i Hercegovini van područja Medžlisa, a koji na bilo koji način ostvaruju svoja vjerska prava i obaveze na području Medžlisa ili koji su na bilo koji način vezani za područje Medžlisa u društveno - ekonomskom smislu ili koji na području Medžlisa posjeduju ili su vlasnici stana, kuće ili drugog i oni koji se žele ukopati u haremima na području Medžlisa. (član 4. tačka 3.)
4. Članstvo i članarina se plaća po porodici. (član 4. tačka 4.)
5. Ako više porodica žive u zajedničkom domaćinstvu obaveza plaćanja članarine odnosi se na svaku porodicu pojedinačno. (član 4. tačka 6.)
6. Punoljetni muslimani koji su stupili u bračnu zajednicu trebaju biti članovi Medžlisa bez obzira da li žive skupa sa svojim roditeljima ili ne. (član 4. tačka 9.)
7. Članarina se može platiti unaprijed po iznosu članarine u tekućoj godini, a zaostala članarina se također plaća u visine članarine u tekućoj godini. (član 5. tačka 6.)
8. Ukoliko član Medžlisa ne izmiruje svoje obaveze prema Medžlisu tri godine uzastopno, gubi status člana Medžlisa. (član 8. tačka 2.)
9. Organima i službenicima Medžlisa zabranjuje se izvršavanje bilo koje usluge Medžlisa licima koji su obveznici plaćanja članarine ukoliko nisu izmirili svoje obaveze prema Medžlisu u skladu sa odredbama ovog Pravilnika. (član 11. tačka 1.)
10. Usluge iz stava (1) ovog člana mogu se izvršiti tek nakon što obveznik plaćanja članarine izvrši sve obaveze prema Medžlisu u skladu sa odredbama ovog Pravilnika i posebnih akata Medžlisa. (član 11. tačka 2.)



ISLAMSKA ZAJEDNICA U BOSNI I HERCEGOVINI

Medžlis Islamske zajednice Bosanska Dubica

Izvršni odbor

11. Ako lice koje traži uslugu Medžlisa nije redovno uplaćivalo članarinu u skladu sa odredbama ovog Pravilnika, a nije izgubilo status člana Medžlisa, pravo na uslugu Medžlisa može ostvariti tek nakon što uplati jednokratni iznos zaostale članarine. (član 11. tačka 4.)
12. Lica koja nisu izmirila svoje obaveze prema Medžlisu u skladu sa odredbama ovog Pravilnika i posebnih akata Medžlisa, a traže usluge Medžlisa, dužni su prethodno uplatiti posebnu Taksu po ovom osnovu, druge obaveze po ovom Pravilniku i posebnim aktima Medžlisa i troškove usluge koju traže od Medžlisa. (član 13. tačka 1.)
13. Visinu i način uplate takse iz stava (1) ovog člana utvrđuje Izvršni odbor Medžlisa posebnom odlukom najkasnije do kraja tekuće godine za svaku narednu godinu. Taksa ne može biti manja od članarine za 20 godina unazad po visini članarine u tekućoj godini.
14. Da sva lica koja žele vjersku uslugu Medžlisa ili ukopa u vakufskim haremima na području Medžlisa, a nisu obavezu plaćanja članarine izvršila na području Medžlisa, već su članarinu plaćali u nekom od džemata u Dijaspori, ili u nekom drugom medžlisu u BiH, te nisu ni izdvajali jednomjesečnu ratu u matični džemat, isti su dužni uplatiti jednokratnu taksu kako bi stekli pravo na traženu uslugu. (član 13. tačka 5.)
15. Od plaćanja članarine mogu biti oslobođena sljedeća lica:
 - a) lica teškog socijalnog statusa, koja taj status dokažu aktom izdatim od strane organa nadležnog za poslove socijalnog rada,
 - b) neuračunljive osobe,
 - c) lica koja nemaju poslovnu sposobnost i
 - d) lica koja nemaju nikakva primanja, a žive u zajedničkom domaćinstvu sa članom, svojom djecom, ili starateljem koji plaća članarinu.
 - e) lica koja žele svojim radom zamijeniti iznos članarine (košenje harema, uređivanje imovine IZ, održavanje džamija itd.) a nisu u stanju redovno plaćati istu.
16. Nijedan obveznik članarine ne može platiti manji iznos od iznosa propisanog shodno odredbama ovog Pravilnika i drugih akata Medžlisa. (član 18. tačka 1.)
17. Za provođenje ovog Pravilnika odgovorni su organi, službenici Medžlisa, džematski odbori i drugi subjekti relevantni za provođenje odredaba ovog Pravilnika. (član 20.)

predsjednik Medžlisa

mr Amir Draganović